

Broj: 10-11/3-252 /2022  
Sarajevo, 25.02.2022. godine

BOSNA I HERCEGOVINA  
PARLAMENT FEDERACIJE  
ZASTUPNIČKI/PREDSTAVNIČKI DOM  
Tajnik/Sekretar

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 14-03-2022			
Org. jed.	Broj	Priloga	Vrijednost
05/1	-02-	15	122

**PREDMET:** Odgovor na poslaničko pitanje- dostavlja se

**Veza:** Vaš akt broj: 05/1-02-15/22 od 25.01.2022. godine

Poštovani,

Na temelju sadržaja Vašeg dopisa, broj iz veze, dostavljamo Vam odgovor na postavljeno zastupničko pitanje koje je, na 29. redovnoj sjednici Predstavničkog doma Parlamenta Federacije Bosne i Hercegovine, održanoj 24.01.2022. godine, postavio gdn Arapović Adis, poslanik u Predstavničkom domu Parlamenta Federacije Bosne i Hercegovine.

U posljednjih šest mjeseci raspisivani su tenderi za nabavku opreme i usluga održavanja softvera i hardvera i to:

- Održavanje IT Data Centra (hardvera) KING ICT-Sarajevo u iznosu od 39.996,00 KM;
- Održavanje registara, aplikacija i web portala (softver) KING ICT-Sarajevo u iznosu od 79.998,00 KM;
- Nabavka računarske opreme od KAMER COMMERCE Sarajevo u iznosu od 29.996,00 KM.

Registri u Federalnom ministarstvu poljoprivrede, vodoprivrede i šumarstva (Registar poljoprivrednih gazdinstava, Registar klijenata, Registar pčelara i pčelinjaka FBiH, Registar poljoprivrednih savjetodavaca, Registar distributera i uvoznika mineralnih đubriva, Jedinstveni registar odobrenih i registriranih objekata u Federaciji BiH u veterinarstvu, Registar pravnih i fizičkih lica za promet fitofarmaceutskim sredstvima, Fitoregistar itd.), posebno Registar poljoprivrednih gazdinstava i Registar klijenata kao i podaci iz aplikacije za obradu novčanih poticaja dostupni posredstvom web stranice Ministarstva i Farmer web portala, omogućavaju korisnicima da u realnom vremenu pretražuju podatke čime je značajno unapređen sistem transparentnosti rada Federalnog ministarstva poljoprivrede, vodoprivrede i šumarstva.



Ugovor o održavanju IT Data Centra (hardver) kao i Ugovor o održavanju registara aplikacija, web stranice ministarstva i Farmer portala (softver) potpisuju se na godišnjem nivou.

Na unosu i obradi podataka u Registre i aplikaciju za obradu poticaja radi preko 200 operatera u općinskim službama za poljoprivredu, nadležnim kantonalnim ministarstvima i zavodima te Federalnom ministarstvu poljoprivrede, vodoprivrede i šumarstva. Navedena oprema i aplikacije omogućavaju pristup za više od 85.000 korisnika (poljoprivrednih gazdinstava) koliko ih je do sada registrovano u Registru poljoprivrednih gazdinstava. Na godišnjem nivou posredstvom uspostavljenih registara i aplikacija obradi se između 25.000 i 30.000 zahtjeva za poticaje proizvodnjama i strukturnim mjerama podrške. Elektronskom obradom je obuhvaćen kompletan proces od prijave proizvodnje, apliciranja, obrade do isplate sredstava putem trezorske aplikacije Federalnog ministarstva finansija (FMF). Značaj Registra poljoprivrednih gazdinstava ogleda se i u multidisciplinarnom pristupu koji omogućava korištenje podataka iz sistema za potrebe kreiranja kantonalnih mjera podrške poljoprivrednim proizvođačima na kantonalnim nivoima.

Na Farmer web portalu poljoprivrednim proizvođačima omogućena je provjera vlastitih podataka iz Registra poljoprivrednih gazdinstava i klijenata, informisanje o pravima na novčane podrške u skladu s prijavljenim resursima, preuzimanje potrebnih i/ili već popunjenih obrazaca ovisno o fazi proizvodnje, provjera statusa podnesenih zahtjeva te pregled i preuzimanje propisa vezanih za ostvarivanje prava na novčane poticaje.

S poštovanjem,

  
**MINISTAR**  
mr. sci. Semsudin Dedić

**Dostaviti:**

1. Naslovu;
2. a/a.